

مدیری: ابن السری
احمد جودت

مؤسی: ابن السری
مصطفی نامق

آشیان

ادبی، علمی، سیاسی، اجتماعی، فنی، اخلاقی هفته لقم مجموعہ در

پنچشنبہ

ایکنجی جلد

نومرو ۱۵

برنجی سنہ

۱ ذی الحجہ ۱۳۲۶

۱۱ کانون اول ۱۳۲۴

داهی اعظم عبدالحق حامد بکک صوک فوطوغرافلری

مندرجات :

عبدالحق حامد	توفیق فکرت	صوغوق کیچہلر	امین بلند
شہل ۴ پردہ	حسین سعاد	برومس بیله تلری	ا. جودتی
تکریرمالل	حسین سعاد	ایکی مبعوث	عمرسیف الدین
میعونلری استقبیل	علی سعاد	قادرین روحی	جیل ساییان

استانبول

محل اداره سی: جفال اوغلندہ دائرہ مخصوصہ

آرتین آصادوریان مطبعہ می

۱۳۲۴

وسرہ عرض سلام واحترامدر . بونلردن نظرلرکزی آیرر آیرماز ارقہ کزده
اوتوز میلیون وطنداشلہ اوککزده اوجی بوجاغی بولونماز بر آتینک سزہ باقدیغی
کورورسکز ! ایشته بو آتی اوتوز میلیونک عمریدر .

زمان شکندہ کی بواقلیمک اینجندہ اومیلیونلرک مادی ومعنوی وجودلری
باشایاجق ، حیاتک ای کو توهر دورندن کچہ جک ، هر تورلو غرابنی کورہ جکدر .
فقط بونلرک ہپسندہ ، هر تصادفندہ کی یارد مجیسی ، مالنک ، جاننک ، عرضنک
محافظی سزسکز . بواقلیمک اک امین یری سزک وجدانکز ، اک معمور جہتی
سزک جمع عرفانکزدر . سزک بوکونکی عزم وغیرتکزدن یارین دنیانک اک مسعود
وبختیار انسانلری دوغاجق ، سزک خلوص نیتکزدن صوسز صحرالر یشہرہ جک ،
سزک اتحادکزدن دنیانک اک قوی دولتی اورکہ جک ، اک اوزاق دیاری آوازہ
تبریکتی بورالرہ قدر ایشیتدیرہ جکدر . ایشته سزدن بکلہن مائر بویلہ بویوک
بروظیفہ ، بوقدر عالی بروطنپرورلکدر . سز بومقصد یولندہ طوپلانیدیکز ؛
اویلہ بومقصدکہ ہم موفقیتندہ ، ہم محرومتیندہ مشترکسکز .

سز اویلہ بر خزینہ دارسکزکہ صاقلایہ جغکزشی وطن دیدکلری جوهر
جہانقیمتدر . اوندن دہا دکلری بر شیئک امکان وجودینہ قائل اولمایان عثمانی
قلبلریکز دائما کعبہ عدالتہ توجہ ایتدکچہ سزہ تسلیم نفس ایدن افراد ماتدہ ہیچ
شہہ سز بختیار اولور .

علی سعاد

مصر



کوچوک حکایہ

ایکی مبعوث

اوتوز سنہ صوکرہ :

مائی وسرین بر صوک بہار کیجہ سیدی . جسم اغاجلریلہ حقیقتدن بعید
بربری اورمانہ بکزہن محشم باغچہنک اورتہ سندنہ کی محفل ادبادہ برہفتہ اول
اولن شاعر پرویزک حیات وخصوصیتہ ، صنعت وموفقیتہ دائر برقونفرانس
ویریلیوردی . منور برخایان رؤیا کی اوزایان واو زادچہ خیالیلہشن ، منتظم

يولك نہایتندە محفلك قابوسى اوزاق وسرابى برسرائى مدخلنى آندىريور ،
 بياض وجسيم پەرونك باصاماكلرى ، يانلرندە صرە ايله يوكسلن مرمردن مصنوع
 اسـاطيرى قادينلرك آلرندە طوتدقلى نائم ومضى الكتريك كرەلرندن ياغان
 دونوق وطاتلى ضيالر آلتندە كوز قالماشديريحى بروضوح ايله بارليوردى . اختيار
 وبىكانە قر سىرك وايغچە بولوطلرك اراسندن ، لاقيد وعجول كچيور ؛ ديشاردن
 جادەنك كورولتولرى ، اكلنجەلى برشهرىك ، مشـحون سرائر برذوق مملكتتك
 موسـيقى غنغانى كې مېميتلە عكس ايدىيور بويوك وكثيف آغاچلرك ايدىنلقلە
 مزج اولاندى حيات ونور آلودظلمتلرندە نامرئى اورپرملر حصولة كتيريوردى .
 كنىش وبياض مسـندلرى اوزرندە صانكە ازليقى دوشون بياض هيكللر ؛
 بوشيمدى ياشاميان مشـاهيرىك مؤثر وموت آميز تمثال خاطراتى ، اوزرلرينە
 دوداقسز وغيرناسوت بوسـلر حالندە دوشن ياپراق كولكلرى آلتندە ،
 نامحسوس روزكارىكتوم نغماتيلە صانكە جانلانيور ، صانكە قيمىلدييورلردى ...
 قونفرانس ياريم ساعت اول باشلامشدى . منور يولك تنهائى محزونى ايچندە ،
 برطل متحرك كې ، نارين بركنجە آلارى جيميندە ، اوكنە باقارق ايلرليوردى .
 غالبا ، شـيىمدى قوغولرى اويويان بويوك وخالى حوضك كنارينە ، باغچەنك
 بواك صيق وخوابيدە يرينە كىتمك ايسـتدى ؛ نيم مظالم يولە ، يكدىكرى
 دارغوش ايمش مھيب آغاچلرك اللتە صاپەجقدى ؛ يانندن برسس كلدى :

— زەيە اولاد ، بويلە ...

دوندى . بو ، تميز وھنوز پك يكي برستاتونك مصنع ومنقوش مسـندينە
 دايامش تيمشك براختياردى . طانيدى .

— نەاو ، عزيز استاد ، ديدى ، بورادە ياپالكنز نەياپيورسك ؟

اختيار ، داياندينى ستاتويى كوسترەرك :

— ارقداشمە ، رفيق شـبائملە قونوشيورم .

ديە جواب ويردى . بياض وچوق صاچلريلە ، تيمش سنەنك چوكديرەمدىكى
 قوى وديك وجوديلە حالا دينج ومعارض دوران وكنجىلرك ، بوتون استانبولك ،

بلکه بوتون ترکیه نك «فيلسوف» ديدېكى بوذا تده پك غريب برمزاج. پك تحاف برطيمت واردى . شديد براغو تيزم اونك بوتون موجوديته حاكم ايدى . هر نه دن بحث ايدرسه كندى سويليور ، مخاطبى بيزار ايدىيوردى .

«اولاد !» ديه تكليفسزجه خطاب ايتديكى كنج ، وديد استانبولك اك آتسين ، اك عالم ؛ اك محترم برمبعوثى ايدى . طلبه لى زماننده عمومى باجه لرده ، بواختيار فيلسوفى ديكه مكدن اسيجه خوشلانيردى . فقط شيمدى ... اك زياده اونك ادعالرندن ، ادبياتندن بيقممشدى . ياريم عصر اولكى قوف وابتدائى حركات ادبيه ارتق ديكلنه مزدى . ذاتا بوتون بومعناسز كودزله لكلى بيش القى سنه اول بلکه يوز دفعه بالذات فيلسوفدن ديكه مش ، ازبرله مشدى . ينه بوغريب اختياره يقالانماق ، اونك بركتبخانه قاتالوغى كى يالكز لايتناهى ومجهول محرر اسملرندن ، اونوتولمش كتاب سرلوحه لرندن متشكل طاقتفرسا معلومات ومصاحبائى التنده مضطرب اولماق ايجون :

— كزينيوردم ، ديدى ، شيمدى يمك ييدم . بوكيجه يازيله جق يازم ، ترتيب اولنه جق نطقم وار . كچ قالميه جقم .
اختيار فيلسوف حيرتله صوردى .

— ديمك پرويز ايجون ويريلن قونفرانسدن خبرك يوق ؟ وديد اوموزىنى سيلكه رك جواب ويردى :

— وار . فقط ديكه مكه تحلم يوق . ارتق ادبيات بنى صقيور ...
فيلسوف ياقلاشمش ، قالين عضلى قولنى كنجك اوموزينه آتمشدى .
— زواللى وديد ! ديدى ، آجيدم سكا . اوحالده اختيار لامشك نه وقتكه انسان ادبياتدن نفرت حس ايتمهك ، قافيله لر مصمراعلر نظرنده بوش ، واهى معجز كورنمهك باشلار ، اختيارلغك صوئوق وكيكدن اسكلت آللى اونك قلبنه اوزانمش ديمكدر .

وستاتوبى كوستره رك علاوه ايتدى :

— اوت بوده .. پوزواللى توفيق فكرتده تعب تحسسه اختيارلايجه ادبياتدن نفرت باشلامش ، شابنده كى بوتون هوسات وتخيلاتنى غائب ايتش ،

بر بدین اولمشدی . صوکره هپ آلم ترنم ایتدی ، دوکه مدیکی کوزیاشرینی
بسته له دی و ماتملرینی ابدیتله بزم روحوزه براقدی ...
ودید آنسزین عصیلله شمشدی:

— رجا ایدرم : استاد ، ادبیاتدن بحث ایتمیکیز !
فیلسوف مخاطبک کورده مدیکی صریح بر اشمئزاز ناخوشنودی ایله ، صانکه
ایکله کچی :
— نیچون ؟
دیدي .

— نیچوننی ؟ چونکه طورکنز ، پک آسکی ... پک قیلاسیق ! مثلاً شمدیکی
سوزیکیزی ، حتی آلکنزله شو هیکلکی کوسترمکیزی کهنه و قیلاسیق بولیورم .
قارشیکزده کنیدی ادبیات معلملرینک غیر طینیعلکیرینه محکوم تحمل برمکتب
طلبه سی ظن ایدیورم .

ودید بوتون صنفلرده برنجی اولمش ، علوم اقتصادی و اجتماعی دن برنجی
اوله رق دیلوما آلدقند نصوکره ایلك نشر ایتدیکی مقاله اجتماعی سی دکل
ترکیده ، حتی بوتون اوروپاده و امریقا ده آنی بر شهرت قازانمش ، هان بین الملل
مائى لسانه ترجمه ایدیلرک ، ینه بین الملل « بشریت متحده و علوم » جمعیتی
طرفندن آک بویوک مکافانه لایق کورولمشدی لکن بوتون بوموقیتلر اونى
ده کیشدیرمه مشدی ، متواضع اولمادیکی کچی اصلا مغرور و متکبرده دکلدی .
شیمدی ، حسنده نه قدر ضعیف برأغو تیتست اولدیغنی ایجه بیلدیکی فیلسوفی ،
پوزواللی اختیاری کوجندیردیکندن بردنبره پشیمان اولدی و اونک دارغین
برلسان ایله:

— او حالده هیچ قونوشمیا لم ...

دیمه سنه ، کوله رک :

— خایر ، قونوشالم ، سوکیلی استاد ! دیه مقابله ایتدی ، قونوشالم ، فقط
بیلورسک که بن مبعوثم . دائماً مسسکمدن بحت ایتمک ، اوکا دائر قونوشمق ،
اونی دوشونمک ایسترم ؛ سویلکیز ، سزده اولدن بر مبعوث دکلیدیکیز ؟

کوکلی بوتون بوتون المی وکندی تامیله عفو ایتدیرمک ایچون فیلسوفک قولنه کیردی . یورو مکه باشلادیلر . کینیشجه یولک اطرافنده صیره لانان قدیم ومتأخر شاعرلرک ، مشاهیر ادبانک مبهوت هیکللی درین برسکون منجمد ایچنده ، مضطرب ومتجسس اونلره باقیور کییدی . فیلسوف میرلداندى :

— اوت ، حق ایلک مجلس مبعوثانده اعضا ایدم .

ودید ، رفیقینک حالا قاتی دوران بازوسنی صیقدی :

— او حالده مسلکمزدن بحث ایدم . بنده استفاده ایدرم !

بود استفاده ایدرم ! « سوزی اختیارک بوتون ضعفارینی اوقشادی . لافک دیکلنمه سی اونک صباوتندنبری یگانه سعادتیدی . برچوجق کبی سوبیندی . اوراده ، یولک کنارنده کشف آغاجلرک مبدول و منور یاراقلرک آلتنده بولنان برقامیش قنابه نی کوستره رک :

— بورایه اوطوردمده . . .

دیدى .

— اوطورالم . . .

اوطوردیلر . ودید براز اوزاقده قالان لامبه لرك طاتلیلا شان ضیالری ایچنده اختیار رفیقنه باقیوردی ؛ بو طبق برلاقیردی ماکنه سی کییدی ؛ مکملاً دو قوز لسان بیلور ، برملیونه قریب کتاب اوقودینی روایت اولونیوردی . شیمدی یاننده بلیغ وروان بر افاده ایله مشروطیتک اعلان ناکهانسی ، ایلک مجلس مبعوثانک ناصل مشکلات ایله آچیلدیغنی ، وکندیسنک ایلک قونفراسلرینی نطقلرینی ، موفقیتلرینی ، حصوله کتیردیکی هیجانی القیشلری ، پاتختک محافظه سایشنه ناصل مأمور اولدیغنی ، او وقتکی سلطانک قارشیسنه ناصل چیقیدیغنی اکلاتیورکن ، ودید اونک یمش سنه لک حیاتی دوشونیور ، خیالاً سنه لره ، آیلره هفته لره تقسیم ایدیور ، برملیون کتاب اوقومق ایچون لا اقل هرکون اوج کتاب اوقویوب بترمسى لازمکله جکنی حساب ایدیوردی .

فیلسوف اوقدر شدت ومحبته عطف اهمیت ایتدیکی ماضینک خروش خاطر اتیله :

— آه سز ، دییوردی ، سز پک مسعود سکز . یورولمەدن ، اوزولمەدن قازانیور سکز . منتظم و مستریج چالشیور ، صحیح و مطمئن موفق اولیور سکز حالبوکه بز ! حیاتمک اُک کوزل دورەسنی ، معزز و عودتی محال اولان کنج لکمز ، اراتق سزک ، نسل اخیرک ممکن دکل تخیل و تصور ایدەمیەجکی براسارت مطاقە ایچندە کچیرمەدک . علم و فضیلت اُک بویوک جنایتدی . ناموسلی اولانلر محبسلردە چورودیلیوردی . وطن جان چکیشیور ، صوک نفسلرینی ویرییوردی . اوت بوکون ، یقیندە تشکل ایدەجک اولان « اوروپا دول متحده سی » هیئتە کیرمسی ایچون بوتون دیپلوماتلرک ، پارتی رئیس لرینک پایتختنە قوشوش دقلری قوی و مہیب ترکیه ؛ بومعظم و محتشم حکومتمز ، قومشولریمزە دائمی ہیجانلر ویرەن هولناک و مدھش اردومز ، دنیادە او وقت نشر اولنان نەقدر مزاح غزتەسی وارسە ھېسنە سرمایە استرا اولمشدی . بوکون اوروپانک اُک نجیب ، اُک ذکی ، اُک زنکین و فعال بر قومی اولقی اوزرە طانیلان عثمانلیر ، بلاترد « اوروپادە چرکەسنی قورمیش بر چتہ ! » دیە تحقیر اولنیور ، موجودیت مدنیەلری قطعاً انکار ایدیلیوردی .

ودید اوکنە باقاراق :

— مبالغە ایدیور سکز .

دید . فقط فیلسوف شیخوختک ویردیکی عتہ غیر اختیاری ایلە فوران ایتدی :

— مبالغە می ؟ عظمت و موفقیتی ایچندە بویودیککز بو معظم حکومتک تقسیم پلانی یاییلمش . حتی خریطہ مقاسمەسی بیلە چیریلەرک طبع ایدلمشدی . جہالت ، یشیل و سیاہ بر ظلمت ؛ یالکز نشئە مائیلی ایلە سزى مست و ذوقیاب ایدن بو پارلاق افقلری اورتمشدی . ھرکس بر برینە غرض ، دشمن ، خائندی ! یالکز کین ، تعصب ، تنزل ، اعتساف واردی . چالیشانلر آچ قالیور ، اوکرەنلر تحقیر اولنیور ، محب علوم اولانلرە عھومی بر نفرت بسلەنیور ، وقوف عفو اولونماز بر کفر عد ایدیلیوردی ...

ودیدینە فیلسوفک لافنی کسدى :

— مبالغه ، مبالغه ... استاد! سزك أسكى ادبیاتكزده بر صنعت وارمش !
 ایشته شیمدی اونى یاهرق متلذذ اولیورسکیز ، یعنی غلو ... ممکنى بوقدر
 مضمحل اولان برملت اوتوز سنه ایچنده بوتون ملتله تفوق ایتسین؟
 فیلسوف باشنى صاللا دی وکولومسه دی:

— اوت ممکن ، اولاد ! بزم انقلابیز پک تحاف اولمشدی .
 معاصرلریمزدن برچوقلری استعانه واستفاضه یی ، تقلید قانونی انکار ایدیور ؛
 « کندی محیطمزدده ، کندی محیط ملتیمزدده محصور و محافظه کار اعتلا ایدلم . »
 دیورلردی . اگر اکثریت جهالتک کثافتدن استفاده ایدهرک فکرلرینی قبول
 ایتدیره بیلسهلردی ، حقیقه بوقدر تعالی و تکامل ممکن اوله مازدی . فقط بز ،
 او وقتکی کنجدر غلبه چالقد ، استفاده و تقلیدی قبول ایتدیردک . اوروپا
 مدینتی ، ضربک ترقیاتی تیره مهن ، چکیمه دن قبول ایدور دک . ناصل تعمیر
 ایدیم ؟ مرض خرابی بی نداوی ایچون بوتون اجزالی بالذات یامق ایله ،
 بالذات کیمیاخانلر انشا وعصرلرجه چالشمقله اشتغال ایتدک . دوالر ایجاد و
 ترتیبه قالمقدق . علاجی مستحضر بولدق . ایشته بوخارجی و مستحضرچی
 شبهه لهدن ، تیکسنمه دن یوتدق وشفایاب اولدق ، اوت ، غربه بطنلرک
 حاضرلایه رق ، متوالی دهالرک وجوده کتیره رک تورات ایتدیردیکی ترقیاتی بز
 برحمله ده کندیمره مال ایتدک . مردیوه نک اُک اوستنه صچرادق . ذاتاً بوده پک
 طبعی برحادثه اجتماعی ، برحالت معاشریه ایدی . کچیکمش قوملر بنای تکامله
 یواش یواش چیقمنه راضی اولمازلر ، فیرلازلر ، عصرلرک مترکم قوت اعتلاسیله
 یوکسه لیرلر . ایشته ژاپونیا ... فی الحقیقه بوکون بزدن کیری ده دره ، فقط دها
 اوتوز قرق سنه اول آنی دینه بیلجک برسرعت برقیه ایله اوده اختیار غربک
 ثمرات مساعینی الدی ، کندینه مال ایتدی . بزدها هیث دولیه دن عدایدیلجک
 قدر بر لاقیدی محقره معروض ایکن او ، موجودیت ملیه سنی اثبات ایتدی .
 آه اوت ، سن مشروطیتدن صوکره دوغندک ، سربستی وحریت ایچنده
 بو بودک . اگر اون یاش دها کوچک اولایدک بوکوزل محفلک ، بو بویوک و
 بدیع بانجه نک یرنده ویرانه لر ، بیقیق کلبه لر ، خراب اولر ، سفیل و صیقه

کوپکله مالی تنها، دار، مایوس سوقاقلر بولندیغی درخاطر ایده جکدک ...
 اختیار فیلسوف اکلاندیقه متهبیج اولیور، متهبیج اولدیقه اُک کوچک تفرعاتی
 جانلی برافاده ایله تفصیل ایدیور؛ اللری قالدیریور؛ بعضاً ایاغه قالدیور، تکرار
 قنابه بی تاب دوشیور، حکایه سنه حرارت و حرکتله دوام ایدیوردی. و دید
 دیکه مکدن یورولمشدی. ذهناً یارینکی نطقنی ترتیب ایدیور، بوهریان پیرییه
 طوتولمش اُسکی مبعوثک یاننده، یارین یکی بر مبعوث صفیله کیره جکی مجلسی
 دوشونیور؛ اوتوز سنه لک بر غرق حیاتی بونستسز لکه قیاس ایدرک بشریتک
 اوکنده کی تکامل عصرلری تخیل ایدیوردی.

فیلسوفک بسته جوشان کلامنی اوزاق و طین انداز بر نطق کبی ایشدیور،
 کفته معنایه بیگانه قالدیوردی. حالبوکه زوالی اختیار ایلک مجلس مبعوثانک
 رئیس کی اولدیغی، ولایتلردن کلنلرک درجه اقتدارلری، کندی نطقلری،
 ایلک فرقه لری، ملیت مناقشه لری، عدم تفهملری، اهلینک طرز غریب تلقیسی،
 کوزل از برلنش بر مدافعه نامه یی تردد ایتهدن سویله ن سربست و اوصافناز بر
 اووقات معصومیتیه اکلادیوردی، و دید باشقه شیله مشغول اوله رق معائنندن
 قورتلدیغی بوسوزلرک صداسندن ده مضطرب اولمغه باشلادی. صقیلیور و خفیف
 بر حرارت، صیجاق و محسوس بر نفس کبی شقاقلرینه یوکسلیور، کوچک سرپوشنک
 التنده کی چوق صاچلی باشی قاشنیوردی. اُسکی و اختیار مبعوث حالا، قارشیدنده
 کیلرینک و قوفسزلقلرینه ناصل هجوم ایتدیکنی، طرفدارلرینک آزلقلرینه رغماً
 صاحب اولدقلری نفوذی نقل ایدیور، حتی معارضلردن الدینی جوابلری عینیه
 تکرار ایدیوردی. و دید صاچلری قارشیدران نارین اُلنی یلکنک جینه سوقدی
 ارتق بوغولاجقدی. ... کوچک و رادیوم مینه لی ظریف بر ساعت چیقاردی.
 شدید وبالذات برضیا ایله اشعه نثار رقلر، پارلاق یلقوان، ایدیغی کیجه نک مور
 و منور قراکلری ایچنده نصف لیلی کوستریوردی. دایانه مدی.

— ارتق کیتسه ک، دیدی، زیر اوشیورم.

فیلسوف، مشهور اولان حافظه سنک شدت فوق الطبیعیه سنه فدا اولان ضعیف
 سرعت انتقالیه، هر ساعتی کنیدیسنه بش لیرا کتیره ن بومقتدر و محترم کنجی
 صیقه دیغی اکلادی.

«اوت، اوت کیدم، دیوردی، حقیقه صوئوق. لافه دالدق. قونفرانس ده
ییتیمک اوزره در... ایسترسهک برپارچه ده اورایه کیره رز.

ودیدینه رد ایتدی:

— خایر، بن کیده حکم.

فیلسوف:

— اویله ایسه بنده کیده رم. یالکیز صقیلیورم.

دیددی. قالدیلر. روزگار یوقدی. قر غیب اولمش باتمشدی. بولک اطرافنده کی
یوکسک ومعظم اغاجلرک اوستنده سیاه سما، مائی ومبذول الماسلری آندیران
لا بعد ولایتناهی بیلدیزلریله، برنهر مطلسم نجم آلود کی ابدیتک مجهولیتنه دوغرو
اوزایور؛ هیکلر مخوف و بیاض هیولالرحالنده جامد و ابکم نظرلریله، اوکلرندن
حکین بو ایکی مغفل وخسته اشهار قانییه، نهایت برکون یانلرییه مرمردن وجود
تمثالیریله مطلقا کلوب دیکله جک اولان بو ایکی ذی حیات مشهوره، مستهزی
ومتبسم، باقیورلردی.

ایکیسی ده صوصیوردی. ارتق محفله باقلاشیورلردی. زواللی پرویزک اوفول
ابدیسی ایچون بستهله ن هوا ی ماتم، لاهوتی ومهم برهیجان احساس ایدرک
اوزاقلردن بر آه مترنم صمیمیتیه فیلسوفک اوغولدا یان قولاقلرینه عکس ایدیور،
الکتربک کره لری ظالمتمده نوردن جسم انجیلر، متکائف ومهیب کوزیاشلری کی
یارلیوردی.

فیلسوف دوردی؛ بومنکسر، آغیر، موت آمیز ترنمدن، بوتون حیاتنده غیر
اختیاری برعناد ایله وارلغنی انکار ایتدیکی غیر موجودا روحی، شیمدی بردن
متأثر اولمشدی. آللرینی قراکلقده غریب بر غلط رؤیتله ده بیاض کورون
صاچلرینه کتوردی. «زواللی عزیز تولولر!» دیدی. کنج مبعوث حالا دوشنیور
اصلا برشی دویمیوردی. نطقنی یازمجنی بوکیجه یی، بوقیمتدار وقتی اختیار بر
کوزه ایله کچیردیکنه؛ زماننی تلافی ایچون عصیلله شیور، ورفیقنک قولنه کیره رک
«هایدی استاد، چابوق یوریکز! سامعین چیقمه دن عجله ایدم، بوش برر
دیر ژابل بولام، صکره اوتوموییللره قالیرسه ق کیجه دن قرق دقیقه غیب
ایدرم...» دیوردی.
عمر سیف الدین